

揚州歷代疆域沿革圖說

揚

州

歷

代

疆

域

沿


革

圖

說

甘泉徐慶孫先生小象

壬寅方後學梅鈺鶴孫甫敬題



徐慶孫先生事畧

先生諱庭曾字慶孫清甘泉縣學增生世居邵伯鎮喜藏書好史地之學晚歲移居郡城民國丁丑卒年七十有三家本素豐而儉約如寒士出必步行挾雨具蹠躩書肆中坐茶寮繙帙品茗以為樂光緒癸卯甲辰間徐吉人先生館余家汪榮叔來附學因識其兄仲丹先生於汪氏有姻連時於座上出袖中書相示爾時仲丹攻新學先生除輿地歷史與談論外則出綫裝書以自媚孤帙單本尤津津樂道之今先生哲嗣耘生大兄昕鈔印之揚州歷代疆域沿革圖說邗溝故道變遷圖說者即先生當時與仲丹商榷之昕著也兩書同為甲辰雕版流傳至少距今且六十載矣吉人先

生早歸道山仲丹榮叔一時殂謝舊遊零落邈如游塵三復遺編奚勝纍息癸卯夏五尹石公識

序

今之自命為輿地家者每侈談五洲遠搜瀛海及於其生長之鄉一郡一邑叩其建置沿革則瞠目相視不能道其隻字曾竊引此以自耻欲就揚州歷朝建置以考其疆域著為說而證之又圖乃歷久而不能卒業蓋準今地又測古界其間有數疑焉虞夏揚州界域兼跨今東南七省今揚州全境包括其中漢魏又來治地屢徙治壽春治歷陽治合肥均在今安徽境內治京邑治建康均在今江甯府境內治淮陰又在今淮安府境內治潤州又在今鎮江府境內準又今揚州疆域今古不符此因徙治而有疑者也揚州之名濫觴禹貢廣陵一郡均未離今揚州域內而兩漢則名江都

一

名廣陵名江平六朝則名南兖州明初置府初名淮南繼名淮海又名淮揚此後乃專名揚州此因稱名而有疑者也東晉六朝僑置州郡兗及青徐嘗在今府治之地而高郵州地則別置幽州寶應縣地則置陽平東筦二郡而遼西一郡則又在今甘泉江都兩縣之地而本境反因之而徙此因僑治而有疑者也唐虞三代統名揚州領地不著戰國及秦間置州縣楚漢以後地多名國楚曰曰國楚曰國江曰都吳國國皆曰是荆而所統轄者均無攷焉漢晉六朝今揚州之地多隸廣陵隋唐及宋揚州雖還治今地而今地又不盡為揚州所領明及國朝而所領各縣又有直隸府與不直隸府之分此因領地而有疑者也具此數疑故歷久而不能卒業今夏旅次郡城

適遇表弟汪君仲丹勸余速成此書且願同任斯役余因得仲丹之助踴躍從事繙閱群書以正史為宗旁及雜史野史附以各家著述而證之以歷代揚州府州縣志準今地以攷揚州歷代疆域之廣狹其不可攷者闕之其建置可考而疆域不可考者則姑就今地以考之著圖凡三十四附以表又附說三十四曾僻處鄉隅見聞既隘又家鮮藏書考證圖繪多與仲丹往復函商始事於甲辰仲夏卒業於仲冬六閱月而書成草率舛漏知所不免苟有通人以匡不逮則幸甚矣

歲在光緒甲辰仲冬上浣甘泉徐庭曾自序

凡例

一是圖以紅黑一色為標識紅字別古地黑字別今地其有古今同名者則黑字旁另加紅字凡不在今揚州界內之今地亦用黑字外加□以示區別

一是圖既以黑線劃今揚州界域紅線劃古揚州界域古今界域相同者則並用紅黑二線

一歷代揚州疆域或較今揚州全境而有增或較今揚州全境而不足是圖就當時昕領劃以紅線此外雖在今揚州界內非其昕領但存今界及今地之名

一歷代疆域變遷縣界亦無一_定有今為 數縣而古祇一縣者有今祇一縣而古為數縣均視紅線昕劃以_定古界

一是圖既以揚州命名自必就今揚州區域以考歷代建置有名非揚州而實在今揚州域內者則就其領縣昕及以區界域其名為揚州而不在今揚州域內者概從畧焉

一郡國州縣名號界域一朝中或前後不同則從其最後者以著於圖

此圖仿東洋歷史地圖之例於歷朝界線最為研究去歲秋間郵寄上海書局託友人代印而中途舛錯幸副本猶存容俟另繕稿本補印再為續出閱者諒之

圖目編次

- 第一圖 唐虞時代
- 第二圖 周初時代
- 第三圖 周末時代
- 第四圖 秦一統時代
- 第五圖 楚漢時代
- 第六圖 西漢初年
- 第七圖 漢元狩以後
- 第八圖 新莽時代
- 第九圖 東漢建武以後
- 第十圖 三國時代
- 第十一圖 西晉時代
- 第十二圖 東晉時代
- 第十三圖 劉宋時代
- 第十四圖 南齊時代
- 第十五圖 蕭梁時代
- 第十六圖 陳太建時代
- 第十七圖 隋開皇時代
- 第十八圖 隋大業時代
- 第十九圖 唐武德初年

- 第二十圖 唐武德末年
第二十一圖 唐貞觀時代
第二十一圖 唐永淳以後
第二十三圖 楊吳時代
第二十四圖 南唐時代
第一十五圖 後周時代
第一十六圖 北宋時代
第一十七圖 南宋時代
第一十八圖 元至元一十年以前
第二十九圖 元至元一十年以後
第三十圖 明洪武初年
第三十一圖 明洪武末年
第三十二圖 國朝康熙以後
第三十三圖 雍正以後
第三十四圖 乾隆以後

揚州歷代疆域沿革圖說圖續出

甘泉徐庭曾慶孫

甫全編輯

儀徵汪桂森仲丹

唐虞時代說畧

禹貢淮海惟揚州孔傳云北距淮南距海杜氏通典改南距海為東南距海而分配以歷代郡國最為詳密王氏鳴盛尚書後案胡氏渭禹貢錐指皆宗之就通典所配者而證以今地北則今安徽之廬州安慶池州太平甯國徽州六府滁和廣德六安四直隸州並鳳陽府之鳳陽之遠壽州鳳臺等州縣潁州府之霍邱縣泗州之盱眙天長兩縣西北則今河南光州之光山固始兩縣東北

一

則今淮安府之山陽阜甯鹽城三縣自東北迤而南則統今揚州府全境渡江而常州鎮江蘇州松江江甯五府太倉通州兩直隸

州又包括今浙江福建兩省再南則廣東之潮州一府

據顧氏方輿記要禹

貢揚州之域兼有南雄肇慶廣州韶州惠州潮州六府並連州一州通典所配郡縣實不及此故棄而不錄

由南而西

北則奄有今江西省歷湖北武昌府並黃州府之蘄水羅田廣濟

黃梅等州縣

按通典所配郡縣實至今武昌黃州宋樂史太平寰宇記淮南道五所注與此同而方輿紀要獨曰是禹

貢荊州之域 皆揚州域也

淮

古揚州淮水由河南光州之光山縣北又東經光州北

又東北流經固始縣北又東北經安徽鳳陽府潁州府

北又東經潁州府之霍邱縣北潁上縣南又東經鳳陽

府之壽州北與豫分界又東北經泗州之五河縣南又東經泗州南又東經泗州之盱眙縣北又東北經淮安府之清河縣南又東經淮安府之山陽縣北安東縣南而東北注於海與徐分界

海自今淮安府之山陽縣東北折而東南歷鹽城至揚州府之興化通州之如皋縣東又南至通州東又東南歷松江府之上海金山縣東又南歷浙江甯波府之鎮海象山兩縣折而西歷台州府之甯海縣東又西南歷黃巖太平兩縣及温州府之樂清瑞安平陽三縣東又南歷福建之福甯府東又西南歷福州之羅源連江長樂

二

福清四縣東又西南歷興化府之莆田縣泉州府之惠安同安兩縣南又西南歷漳州府之海澄漳浦詔安三縣東南又西歷廣東潮州府之澄海縣南又西至潮陽縣南揚州之海於斯極矣

周初時代說畧

殷割淮南江北之地以益徐據邵氏普通爾雅薛氏季宣曰爾雅之異幽營充徐揚

荆豫雍商制也江南曰揚州公羊疏引郭氏孫其昕稱揚州者已不在今

揚州域內郝氏懿行爾雅義疏云爾雅變淮言江北即徐州矣無庸

圖說以下諸圖凡地名揚州而此周初揚州域內可考者似莫如周

禮職方然周禮東南曰揚州其山鎮曰會稽方輿紀要浙江省紹

山又曰其川三江三江舊解以班志為最確漢書地理志會稽郡

下云江在北東入海揚州川丹陽郡蕪湖下云中江出西南東至

陽羨入海揚州川凡三言揚州川者蓋明其川之在揚州境也

其浸五湖五湖之說當謹遵欽定周禮義疏以楚州之射

三

此昕言山川乃祇就揚州域內之名山大川以約舉之非周初揚

州之定界也周初如此定界當云某界盡會稽某界盡三江某

胡氏渭禹貢錐指曰周時揚州分域藪澤川浸不殊禹貢藪澤川

禹貢則疆域諒亦無多贏縮吾故於此圖仍本禹貢揚州之界以定界而並註

周禮昕言之山川於今地之下云

會稽山今浙江紹興府會稽縣二十里

南境

南江 按漢吳縣在今江蘇蘇州府吳縣周初南江在其

北江 按漢毗陵縣在今江蘇常州府武進縣周初北江

在其北境
中江 按漢蕪湖縣即今安徽太平府蕪湖縣周初中江

出其西南

射陽湖 按楚州在今江蘇淮安府境射陽湖在府西南七十里 鹽城縣北四十里 寶應縣東六十里

彭蠡湖 按洪州在今江西南昌府地彭蠡湖即鄱陽湖在今南昌府東北一百五十里 饒州府西四十里 南康府東五里 九江府東南九十里周迴四百五十里浸淫四郡之地今九江府湖口縣即彭蠡湖口也

洮湖 在今鎮江府溧陽縣北 金壇縣西南三十里 常州府宜興縣西百里

四

鑑湖 在今浙江紹興府會稽縣

巢湖 按巢縣在今安徽廬州府巢縣 巢湖在廬州府東五十里 巢縣西南十五里 舒城縣東北三十里 廬江縣東北八十里周迴四百餘里淮西巨浸汊港大小三百六十

周末時代說畧

周末揚州疆域無碣實考證但亦今揚州境內之地以考當曰昕置城邑

以下諸圖凡疆域無考者準此

今揚州全境春秋時屬吳又屬越戰國時

屬楚越事無考其最著者惟周敬王三十四年吳城邗溝通江淮

是為揚州名邗江之始

據左傳及元和郡縣志

周慎靚王二年楚城廣陵置

廣陵縣是為揚州名廣陵之始

據史記六國表及舊揚州志

又揚州舊志於

化縣下云戰國時楚將昭陽食邑泰州下云戰國策蘇秦說楚威王曰楚地東有夏州海陽此今揚州境內在周末可考者也

邗城

據府志在江都縣西南四十六里

廣陵縣

疑即在今江甘儀三縣境內

昭陽邑 今興化縣境內

夏州海陽 今泰州東臺兩縣地

秦一統時代說畧

秦王政三十四年滅楚而盡取其地一統天下變唐虞九州之界分天下為三十六郡而古揚州境內之地已分屬會稽九江泗水潼關中諸郡不復循古揚州舊制而揚州舊域更無可考但就今揚州境內考之通典曰秦滅楚廣陵屬九江郡是廣陵縣固未改楚舊太平寰宇記高郵縣下云本漢舊縣因秦高郵亭以立名劉氏寶楠寶應圖經曰今縣西境秦東陽縣地此又今揚州境內在秦時可考者也

廣陵縣 今江甘儀三縣境內地

高郵亭 今高郵境內地

六

東陽縣 今寶應縣西境

楚漢時代說畧

通鑑高帝元年項羽自立為西楚霸王王梁楚地九郡都彭城今揚州全境包括在內史記貨殖傳彭城以東東海吳廣陵此東楚也其時境內郡縣就今揚州地境內可考者惟有江都廣陵之名

史記灌嬰傳嬰遣別將度淮盡降其城邑至廣陵史記項羽本紀廣陸召平為陳王徇廣陵未能下是廣陵一縣由周秦以迄楚漢未嘗或改史記秦楚之際月表第三格下有項羽都江都之事劉氏文淇據此作項羽都江都攷阮文達公更據元中統中舊本史記以證之則是江都一縣非置於漢項羽時已有此名嘉慶間修揚州志者為明人程氏昕誤明人程正揆昕刻張守節史記本月表中脫去都江都三字遂疑

七

項羽無都江都之事不足據也

廣陵 今甘泉儀徵境內皆是

江都 今江都縣境內

西漢初年說畧

漢高帝五年封韓信為楚王漢書高帝紀齊王信習楚風俗今揚

州全境屬楚明維揚志高帝五年平楚更立又分射陽國以封

伯史記項羽本紀諸項氏枝葉漢王皆不誅封項伯為射陽侯賜

皆射陽旋侯項纏年正月丙午侯項纏六年廢楚王信為淮陰

侯分其地為二國又故東陽郡鄆郡吳郡五十三縣立從父兄賈

為荆王王淮東是為荆國漢書高帝紀通鑑漢而今揚州全境屬

荆十一年立兄子濞為吳王改荆為吳國史記吳王濞傳上患吳

王之諸子少乃立濞於沛為吳而今揚州全境屬吳又以秦東陽縣

地為東陽國侯張相如癸巳以東陽縣封張相如為侯國

八

三年徙汝南王非為江都王改吳為江都國漢書江都王非列傳而今揚州

全境又改屬江都國其時江都國領縣無確實攷證惟據史記高

祖功臣表射陽國於惠帝三年除為縣則漢初有射陽縣可知又

武帝建元二年東陽國除為縣則漢初有東陽縣可知舊揚州志

本明刻吳王濞都廣陵則漢初有廣陵縣可知又云江都王都江都

則漢初有江都縣可知嘉慶揚州志於漢武帝元狩六年註云案

是時射陽東陽今地詳海陵漢初海陵包今泰州東台興化通州

縣下皆註明輿方輿紀要儀徵縣下云輿廢縣在府西四十五里

州岸別屬海陵郡則是元狩以前初漢未嘗別屬又可知矣

廣陵 今江甘兩縣境內皆是

輿 今儀徵縣地

海陵 今泰州東台興化通州海門如皋泰興皆在漢海

陵境內圖中因未劃江都國界域故不兼及通州

海門如皋泰興又下射陽準此

射陽 今寶應縣境內更錯列山陽鹽城境內

東陽 今寶應縣境內

西漢元狩以後說畧

漢武帝置十三州刺史揚州刺史部察郡五國一曰廬江郡曰九

江郡曰會稽郡曰丹陽郡曰豫章郡曰六安國詳西漢會要其昕稱揚

州部者均與今揚州全境無涉今揚州地在西漢元狩間則建廣

陵國屬徐州刺史部據西漢會要武帝元狩六年立子胥為廣陵王都

廣陵縣改故江都國為廣陵國據漢書武帝紀西漢會要領縣四曰

江都楚漢間已有曰廣陵周秦舊縣曰高郵今焦氏循廣陵攷四曰

海曰平安嘉靖維揚志萬歷揚州志康熙乙丑揚州志皆云漢置

陵縣洪亮吉三國志疆域補安平漢舊縣而漢書地理志無安

平之文是諸說皆誤為說襲案廣陵江都皆係舊縣平地安

東陽射陽兮析其地西入今之天長境而射陽東陽詳海陵

十

前地詳輿縣詳前雖在今揚州域內而元狩間別為臨淮郡之屬縣云

廣陵江都今甘泉江都兩縣地

高郵今高郵兼興化之半

平安今寶應縣西境兼天長之半

新莽時代說畧

新室竊真侈言復古以禹貢九州之制釐正州域合天下百二十有五郡九州之內縣二千二百有三縣以亭名者三百六十然變置無常地名莫考即如揚州一地在新莽時但傳揚州牧李聖以听部州郡兵迫措青徐盜賊以上俱詳王莽傳其地想密邇青徐今揚州全境必在其域內案是時廣陵國已改為江平郡又合廣陵江都為一縣改名曰安定又改故輿縣曰美德改故平安縣曰杜鄉改故海陵縣曰亭閒以上俱見漢書地理志註惟高郵一縣則仍其故名同屬江平郡云

安定 今江都甘泉兩縣地

美德 今儀徵縣地

高郵 今高郵州地

杜鄉 今寶應縣地

亭閒 今興化泰州東台三州縣並通州海門如皋泰興皆是

東漢建武以後說畧

東漢改置郡國揚州治歷陽

今安徽和州

後徙治壽春

今安徽壽州

後又徙

治合肥

今安徽廬州府合肥縣

統郡六曰九江會稽廬江丹陽豫章

皆西漢故郡東

漢因之

吳郡

今會稽郡地置此

均不在今揚州境內今揚州境內諸州縣於

建武十八年改王莽之江平郡為廣陵郡而廣陵平安海陵諸縣

皆復故名

見明維揚志及舊揚州志

又省故泗水國以入廣陵又并故臨淮郡

以入廣陵而臨淮郡所屬之射陽鹽瀆輿堂邑皆隸焉泗水國所

屬之潛縣東海郡所屬之海曲

即海西

亦隸焉旋又省海陵以入東

陽

以上並見焦氏雕菰樓文集廣陵攷第三

而東陽一縣遂包今泰州東台泰興如皋

通州海門兼興化之半漢書枚乘傳乘為吳王濞郎中上書諫濞

云轉粟西鄉陵行不絕水行滿河不如海瓚之倉臣瓚註海陵縣

名也有吳王太倉後漢郡國志東陽下又註明有長洲澤吳王濞

太倉在此則是海陵東陽地本相連既併海陵於東陽則海陵全

境盡為東陽所有焦氏里堂又云廣陵攷第三今之通州海門泰興如

皋漢東陽海陵地杜氏謂通典漢東陽即唐盱眙其說非也而鹽瀆

射陽平安三縣又分得今鹽城寶應山陽兼天長之半乾隆鹽城

志云射陽鹽瀆淮陰劃然三縣方輿紀要射陽城在鹽城西九十

里

淮安府志同

唐初章懷太子註後漢書臧洪列傳射陽城在今楚州

安宜縣東按唐安宜在今寶應縣西南閻氏若璩

潛邱嚴氏觀元和

郡縣志補

焦氏循

廣陵攷

喬氏萊

歸田集

王氏式丹

樓村集

均從其說趙氏安

恩乾隆江南通志尹氏會一揚州志

王氏昶汪氏中金石編並云寶應縣東七

十里射陽鎮即漢射陽故城而胡氏渭禹貢指傅氏澤洪行水金鑑用酈

氏說酈道元水經淮水注中瀆水自廣陵出錐指而均以為射陽在山

陽境內杜氏佑通典明一統志用宋志說宋州郡志山陽令亦以射

陽為山陽東漢平安縣則有頤氏焦氏兩說可考頤亭林云郡國利病

書在寶應縣北二十里黃浦宋樓鑰北行鎮閻氏潛邱劄記作黃浦堰焦氏里

堂云廣陵考唐之安宜即漢之平安其地西入今之天長東漢時凌

縣應邵註曰凌水昕出因以名縣頤氏祖禹方輿紀要於宿遷縣

凌城註云在縣東南五十里漢縣為泗水國治後漢屬廣陵郡李

氏申耆歷代地理志韻編註云今江蘇徐州府宿遷縣南五十里

棠邑一縣後漢郡國作堂邑大清國一統志六合縣下云春秋楚

棠邑漢置棠邑縣屬臨淮郡後漢屬廣陵郡又云棠邑故城在縣

北蕭齊時廢而方輿紀要改棠為堂不知何考海西一縣前漢地

理志作海曲後漢郡國志作海西方輿紀要海州下有海西廢縣

在州南百二十里漢東海郡屬縣漢武帝封李廣利為海西侯食

邑即此後漢屬廣陵郡此外皆因西漢舊縣未嘗改置無庸贅叙

也

廣陵 今甘泉境內

江都 今江都境內

輿 今儀徵境內

高郵 今高郵兼興化之半

平安 今寶應兼天長之半

東陽 今泰州東台泰興如皋通州海門兼興化一隅

射陽 今山陽寶應鹽城三縣皆昕錯處

鹽瀆 今鹽城兼興化地

堂邑 今江甯府六合縣

海西 今海州全境

凌 今徐州府宿遷縣

三國時代說畧

建安十八年曹操攻濡須口不克恐江濱郡縣為權所畧檄令內移民轉相驚自廬江九江蘄春廣陵戶十餘萬皆東渡江江西

謂江北遂虛三國志魏蔣濟傳吳孫權傳皆載其事又吳志孫韶傳

韶食曲阿丹徒為廣陵太守以淮南瀕江斥堠皆徹兵遠涉淮泗江淮之地不居者各數百里宋書州郡志三國時江淮為戰爭之地其間不居者各數百里其射陽高郵江都海陵等縣皆明註三國時廢據此可見三國時廣陵戶口逃亡城郭廢圯淮南郡縣荒廢不置又通鑑胡註魏廣陵郡治淮陰漢之廣陵故城三國時廢三國志魏文帝紀冬十月行幸廣陵故城臨江觀兵言廣陵故城

十五

則地廢可知吳志五鳳二年孫峻當國有北伐之志使馮朝城廣陵拜將軍吳權為廣陵太守至是始城廣陵足見前此皆廢蓋是時廣陵為魏吳兩國邊境彼此均不能有故郡縣廢而不置鄧艾屯田僅在石鼈焦氏廣陵攷謂石鼈城在射陽界內按射陽為今孫權拒守特營濡須焦氏廣陵攷六孫權既攻合肥建都秣陵立上揚州其地非今可知今揚州全境在當日為兩家甌脫矣

西晉時代說畧

西晉所謂揚州者仍不在今揚州域內據晉書地理志揚州統郡十八曰丹陽郡曰宣城郡曰淮南郡曰廬江郡曰毗陵郡曰吳郡曰會稽郡曰吳興郡曰東陽郡曰興安郡曰臨海郡曰建安郡曰晉安郡曰豫章郡曰臨川郡曰鄱陽郡曰廬陵郡曰南康郡皆在今安徽江西浙江並大江以南鎮江蘇州諸府而與今揚州境內無與今揚州全境在西晉初年則屬徐州而高郵一縣則別屬臨淮郡餘則均隸廣陵而廣陵郡所領各縣亦越出今揚州域外晉地理志廣陵郡統縣八曰淮陰曰射陽曰海陽曰廣陵曰輿曰鹽瀆曰淮浦曰江都宋書州郡志臨淮太守下海西令晉屬廣陵射

十六

陽令三國時廢晉武帝太康元年復立屬廣陵廣陵令三國時廢晉武帝太康二年又立屬廣陵郡淮浦令晉太康地志屬廣陵淮陰令晉太康地志屬廣陵又廣陵太守下云廣陵太守晉武帝太康三年屬徐州治淮陰故城後又徙治射陽又云海陵令三國時廢晉武帝太康元年復立屬廣陵郡江都令三國時廢晉武帝太康六年復立屬廣陵郡又山陽太守下云鹽城令舊曰鹽瀆晉屬廣陵三國時廢晉武帝太康二年復立按沈志萃諸家地志班固地理志續漢郡國志太康元年王隱地道記晉世起居注永初郡國志何承天徐爰州郡志董覽吳地志永甯地志賀續會稽記張勃吳錄而成又身居齊梁去晉未遠其所言必非無見王鳴盛十七史居齊梁南北地理祇得而晉書地理志又成於沈約之後晉書唐其大概而已況其後耶太宗所

譔洪氏亮吉晉疆域志並論晉時地理自當當更不及沈志之確十六國疆域志多據此

以沈志為宗然據沈志昕云較晉志增海西海陵兩縣而少海陽一縣輿縣一縣吾以為海陽必海陵之訛即觀晉書昕載亦皆云海陵如晉書簡文帝紀庾亮反自海陵入京口毛璩傳海陵縣界地名青蒲况晉志海陵下註云有江海會祠其地必瀕江瀕海包今日之泰興如皋泰州東台更兼興化之半其獨缺輿縣者何則沈約從宋時郡縣故畧之也按輿縣自宋元嘉十三年已併入江都縣故宋志無此縣而當晉時此縣固依然在也晉桓彝傳嘗過輿縣宰東海徐寧云云則東晉時尚有此縣豈西晉而反無方輿紀要於輿廢縣下明註云晉屬廣陵郡大清一統志乾隆府廳州

縣志乾隆江南通志明刻揚州府志嘉慶揚州府志及新舊儀徵縣志均同則輿縣自當從晉志為是而海西一縣宋志以為屬廣陵郡者則亦宋志之誤也按方輿紀要海西廢縣下明註云晉時縣廢大清一統志乾隆府廳州縣志於海州下亦不言晉時何縣此皆足為晉志無海西之證而漢時平安一縣晉時則省入射陽劉寶楠寶應圖經於西晉射陽下云西晉無平安並入射陽東有射陽湖舊與平安今治今併入踰湖與鹽瀆界南有津湖本平安境踰湖與高郵界北有山陽池本射陽縣地三國志蔣濟傳文踰池與淮陰界此盖就平安併入射陽之後言之也而淮浦一縣在今安東縣地方輿紀要於安東縣下註云漢淮浦縣地晉屬廣陵郡大清一統志

乾隆府廳州縣志並云淮浦故城在縣西餘昕云俱與方輿紀要同淮陰一縣又在今清河縣地方輿紀要於清河縣下註云漢淮陰縣地晉屬廣陵郡大清一統志乾隆府廳州縣志並云淮陰故城在縣東南五里東晉劉隗謝安皆於此屯兵為重鎮此西晉廣陵郡之大畧也

江都 今江都縣地

廣陵 今甘泉縣地

輿 今儀徵縣地

海陵 今泰州東台泰興如皋通州海門並興化之半
鹽瀆 今興化東北境兼鹽城西南境合為一縣

十八

射陽 今寶應全境並鹽城山陽各得其半

淮陰 今淮安府清河縣

淮浦 今淮安府安東縣

東晉時代說畧

東晉北州既沒淮北流人相率南渡因僑立青兗二州刺史於廣陵會蘇峻反又移徐州治此更立徐州刺史鎮廣陵盖自元帝渡江以來淮陰一隅屢為重鎮晉書元帝大興四年以劉隗為青州刺史鎮淮陰穆帝永和八年使北中郎將荀羨鎮淮陰孝武太元十二年豫州刺史鎮淮陰荀羨傳羨北討上疏云舊淮陰形勢都要水陸皆通易又觀釁沃野有開殖之利方舟運漕水陵無阻乃營立城屯兵於此廣陵郡遂還治廣陵而廣陵一縣又增立新城晉書謝安傳安出鎮廣陵更置邵伯埭太平御覽稱晉中興書兗州既平謝元患水道險澁糧運艱難壅呂梁水立七埭以利漕運邵伯埭其一也又曰安築埭於新城北此百姓賴之比於邵伯因以名埭時臨淮郡亦沒於石氏而高郵更還隸廣陵洪氏亮吉東晉疆域志實州僑郡第四於廣陵郡領縣

下有高郵一縣非故與晉志異也想亦有昕見而云然耳洪氏又云沈志晉江左又僑立幽冀青并四州又云徐州備有徐兗幽冀青并揚七州郡邑按此則諸僑郡皆在江北淮南地可知輿地紀勝高郵州北阿鎮東晉時嘗僑置幽州通鑑晉紀晉孝武大元四年苻秦將俱難彭超圍幽州刺史田洛於三阿去廣陵百里朝廷震駭而幽州之遼西郡時亦僑置於廣陵其領縣四曰肥如曰真定曰路曰新市皆僑置於廣陵境內新舊揚州府志及洪氏東晉疆域志皆詳言之其昕據均在沈志沈志廣陵太守下云永初郡國又有輿肥如真定路新市五縣永初宋劉裕年號盖由東晉至宋其僑縣尚在永初後始併入廣陵而其領縣之割屬他郡者則

又有鹽瀆射陽海陵三縣晉安帝義熙中分廣陵之海陵地立海陵郡又分海陵縣地為五縣沈志云海陵太守晉安帝今廣陵立

又條其領縣曰建陵

洪氏東晉疆域志僑郡明云建陵漢縣名圖經漢縣在今沭陽界首晉義熙中僑置於海

陵又一統志沭陽縣下建陵山在縣西北百里漢縣因此得名又云建陵故城在縣西北建陵山下按東晉時淮北一帶地陷於石

氏故建陵縣僑置於海陵洪氏東晉疆域志及一統志皆據其本境言之也

令晉安帝立臨江令晉安

帝立如皋令晉安帝立寧海令晉安帝立蒲濤令晉安帝立又分射陽鹽瀆地立山陽郡沈志云山陽太守晉安帝義熙中分廣陵

立又條列領縣曰山陽令射陽縣境地名山陽與郡俱立

潛邱割記宋志

謂又境內地得名攷三國志蔣濟傳文帝欲燒船於山陽池中也蓋以水名為縣名是射陽之山陽池割入山陽且為山陽郡縣治也徐壑初學記山陽郡有樊良湖寰宇記作樊良溪方輿紀要樊良湖割入山陽也樊良湖寰宇記作樊良溪方輿紀要樊良湖在

高郵州西北五十里山陽既有樊良湖是山陽之西境直入寶應矣宋書索虞傳山陽白水陂是山陽之西境直入寶應矣 此東

高郵 今高郵州地

幽州

在今高郵州境內東晉僑置

江都 今江都縣地

廣陵 今甘泉縣地

肥如 此四縣本遼西郡屬縣東晉時僑置於今江甘

真定 境內

新市

路

劉宋時代說畧

宋書州郡志以揚州為首宋初揚州寄沿京邑文帝元嘉十一年省併建康孝建元年分揚州之會稽等五郡為東揚州大明三年罷州以其地為王畿而東揚州直曰揚州八年罷王畿復立揚州揚州還為東揚州前廢帝永光五年省東揚州并入揚州順帝昇明三年改揚州刺史曰牧其領郡十一曰丹陽尹曰會稽太守曰吳郡太守曰吳興太守曰淮南太守曰宣城太守曰東陽太守曰臨海太守曰永嘉太守曰新安太守或列郡長淮以北或介在大江以南於今揚州全境絕無關係今揚州境內諸州縣在劉宋屬南兖州刺史為廣陵太守昕領縣文帝元嘉八年割江淮為境置

二十一

南兖州焦氏廣陵攷七宋齊南兖之境北至淮南至江東至海西至今泗州盱眙西南至江浦六合其時平安一縣久已廢而不置而又析廣陵郡之東南為海陵郡又併遼西郡之四僑縣以入廣陵又省輿縣又入江都又割高郵縣之東北境以別屬而廣陵太守昕領只有今江甘儀全境泰州全境並高郵興化各得其半宋書志廣陵太守下永初郡國先有肥如真定路新市四縣今領縣四曰海陵令高郵令廣陵令江都令又於江都令下云元嘉十年省輿縣以併入江都又於高郵令下云明帝泰豫時割高郵令之東北境置臨澤縣別屬海陵太守皆其證也

廣陵令 今甘泉縣地

江都令 今江都儀徵兩縣地

高郵令 今高郵西南境並興化之半

海陵令 自東台以東割屬海陵郡而海陵占地只今泰

州全境並興化之半

南齊時代說畧

蕭子顯之志州郡也

南齊書州郡志 梁蕭子顯作

承沈志

沈約宋書

之舊以揚州為

首且讚之曰京輦神皋帝畿望重亦又江左一隅三成帝都代為重鎮故志州郡而首推之也其昕領郡較劉宋少宣城淮南二郡而其地亦與今揚州無與今揚州全境在南齊仍為南兗州之廣陵郡齊高帝建元三年析晉輿縣地之併入江都者別置江都軍而江都一縣如故

南齊書索虜傳高帝建元三年於白沙洲置一軍

武帝永明元年又析

江都縣地置齊寧縣大清一統志乾隆江南通志並云今甘泉境東北有齊寧故城即遺址也其時廣陵郡領縣較劉宋時增一齊寧縣而四境昕至包今日江都甘泉儀徵泰州全境高郵興化則

各得其半而今日之東台縣地在南齊則仍為海陵郡永明間又

增置齊昌海安二縣今日之寶應在南齊則僑置陽平

南齊志北兖州陽平

郡領縣北為山陽今淮安府地領四縣南則高郵東則鹽城又山陽縣多射陽平安之間東平郡領壽張三民四集飄寓失昕郡縣以司牧之漢射陽平安之間東平郡領壽張三民四集飄寓失昕郡縣以司牧之縣多射陽平安之間東平郡領壽張三民四集飄寓失昕郡縣以司牧之年光祿大夫呂安國啟稱陽平郡內是永明七年石龍立後陽平郡案石龍入山陽一郡無實土寄山陽境內是年僑立於東平望南齊志永明七年光祿大夫呂安國啟稱小戶置寶應矣

郡即在今寶應蓋寶應在南齊為山陽南境南齊志又言東平一郡昕轄二縣共二百戶如南齊聚焦氏廣陵攷八太平寰宇記寶應縣下二郡安宜縣屬之

陽南齊書周安山圖傳太平寰宇記安宜縣立

應縣同二郡安宜縣屬之陽南齊書周安山圖傳太平寰宇記安宜縣立

宜在邑寶應此溪而名均不歸廣陵太守管轄焉

江都

江都軍 今江甘儀三縣境內

廣陵

齊寧 今甘泉縣地 府城東南七十里

海陵 今泰州並興化之半

高郵 今高郵並興化之半

蕭梁時代說畧

今揚州全境由宋迄梁皆隸南兗州無異說也而讀梁書者每因廣陵之名而致疑也梁書太清武帝年號元年改北廣陵為淮州此非淮南之廣陵魏書地形志孝昌三年廣陵城陷武定七年復又云廣陵郡興和中分東豫州置領縣五宋安光城安蠻新蔡汝南皆興和中置此亦非淮南之廣陵也按北魏之孝昌武定興和適當蕭梁之普通大同蓋北廣陵為魏所置自宋及梁或屬南或屬北史書所稱往往惑人而著於史書者惟蕭梁時代為最多而實與今揚州無涉地在淮北故云無涉若今揚州之廣陵在當日則仍為南兗州之廣陵郡領縣二曰江都廣陵軍一曰江都軍或曰白沙軍隋書地志

江都下云自梁及隋或廢或置南史祖皓傳大同中為江都令大同為梁武帝普通後年號則是梁時尚有江都也明維揚志及康熙嘉慶揚州志儀徵下云梁末地入北齊則是未入北齊之先仍統於江都而為江都軍如故也又云梁廣陵郡領廣陵江都二縣此外則有神農郡東莞郡陽平海陵郡各有領縣隋書地志高郵下云梁析置竹塘三歸臨澤三縣及置廣業郡後又有嘉禾改神農郡隋地志又於安宜下云梁置安平東莞郡梁書張盾等人傳云俱俱東莞莒縣人太平寰宇記寶應下云本安宜縣梁氏志云本漢安平縣方輿紀要安宜城下云梁始為陽平郡治太清二年秦郡陽平皆降於侯景大清一統志本此隋書地志海陵下云梁置

海陵郡太平寰宇記海陵縣下云胡逗州在縣東南二百三十八里梁太清六年侯景敗將北赴此洲為王僧辨軍人所獲方輿紀要海陵廢縣下云梁時始為海陵郡治又建陵廢縣下云梁仍屬海陵郡此蕭梁時代今揚州全境之大畧也

廣陵

江都均在今江甘儀三縣境內

江都軍

陳太建時代說畧

陳氏比於梁土宇彌盛西不得蜀漢北失長淮以長江為境宣帝太建中頻年北伐諸將累捷盡復淮南之地而今揚州全境盡歸陳氏舊揚州志云宣帝太建五年復為南兗州北齊已改為東廣州陳時復故名郡如故北齊旣置廣陵江陽二郡時江都縣廢舊志云江都縣廢時置而廣陵郡領縣又無確實攷證惟太平寰宇記云高齊置廣陵縣隋初始改為江陽廣陵一縣至隋初始改則陳時固未改可知又方輿紀要寶應縣安宜城下云陳太建五年吳明徹伐齊克石梁陽平郡即古之安宜今之寶應也又寶應縣下云梁置陽平兼置東莞郡歷齊陳周如故則是陳之有陽平東莞二郡可知又嘉慶揚州志云今

二十七

高郵地陳太建五年始入於陳為神農郡隸譙州七年還隸南兗州陳書宣帝紀同又方輿紀要泰州海安城下云陳太建中將軍徐敬辯克齊海安縣城則是今泰州境內在陳時有海安縣可知而建陵海陵二縣如故此今揚州全境在陳時之大畧情形也

廣陵郡

江陽郡 均在今江甘儀境內

廣陵縣

神農郡

竹塘 均在今高郵境內

三歸

臨澤

陽平郡

東莞郡 均在今寶應縣境內

安宜

海陵

建陵 均在今泰州東台境內並興化之一隅
海安

隋開皇時代說畧

自陳氏敗軍於呂梁江北之地盡沒於周今揚州全境盡為周有
其時郡縣所設多因陳氏之舊無庸贅叙隋文帝開皇九年廓之

江表改故吳州隋初吳州有四焦氏廣陵攷十四揚州一云江都

皇九年改為揚州于顓始為東廣州刺史嗣進為吳州總管此吳

州即東廣州是即江都之吳州也按焦氏此說領悟揚州全境包括

在內焦氏廣陵攷又云江都又外又有吳郡之吳州賊羅慧方聚眾攻

軍陷吳州是也鄱陽郡吳州此吳州傳云吳州地地理志開

吳州不是也按此三說均與今揚州無涉隋為揚州皇九年改吳州

初己不置於揚廢廣陵江揚二郡後又置縣於此曰邗江隋志舊

置總管府焉揚廢廣陵江揚二郡後又置縣於此曰邗江隋志舊

州領縣郡於揚廢廣陵江揚二郡後又置縣於此曰邗江隋志舊

曰廣陵縣開皇初縣與郡又廢故海陵郡并省所屬之建陵入焉

并析其地置江浦縣又省如皋

縣又入海陵別置寧海縣隋地志開皇初併如皋縣入

大清一統志如皋下又廢故神農郡以所屬之竹塘臨澤三歸三

亦云隋初併寧海下又廢故神農郡以所屬之竹塘臨澤三歸三

縣省入高郵廢竹塘諸縣并高郵廢故陽平郡及東莞郡而安

宜一縣仍舊并以廢石鼈縣入焉隋地志開皇初廢陽平郡而安

圖經云安宜南界高郵北界山陽東界廢故盱眙郡而併考城直

鹽城西界盱眙與今寶應縣四至同廢故盱眙郡而併考城直

瀆陽城入焉隋地志舊置盱眙郡陳置北譙州開皇初廢并考

盱眙云秦設盱眙縣屬盱眙郡及梁因之隋初廢郡仍為縣又直

本漢鹽瀆縣故地晉熙中改曰鹽
城陳頓丘置新昌郡及南譙州
曰頓丘改曰新昌郡又開皇初
縣人頓丘劉宋屬新昌郡因梁
州之南譙州為譙州大桑根山
廢新昌郡又豫州之譙郡立為
為清流縣下名清流山因清流
關在州西二源里清與紀流南
可安郡下開皇初譙郡併入齊
廢郡為縣又志曰北譙郡後齊
縣後周又改曰北譙郡齊郡
改六合郡聽屬之尉氏縣曰六合縣
改六合郡聽屬之尉氏縣曰六合縣
入焉秦後周紀要六合縣又下
置秦州後周紀要六合縣又下
六合縣又下云古堂邑郡晉惠
帝永興元年今立棠

邑郡安帝改為秦郡又改置尉氏縣齊永明初罷秦郡為尉氏縣
屬齊郡梁仍屬秦郡或謂之新秦改置秦州北齊又為瓦梁郡
陳曰義州後周曰方州又改郡為六合郡仍置尉氏縣東魏又增置
棠邑城下云在六合縣北晉置棠邑縣東魏又增置
橫山縣因之並屬秦郡後周改曰棠邑縣東魏又增置
隋開皇四年俱省入六合縣今設棠邑驛在縣治東省石梁郡以
入石梁縣并省橫山縣入焉隋廢州志舊曰浦梁郡後周改陽二郡
為石梁郡改沛縣曰石梁縣省石梁郡
宇記六合縣下云石梁溪西北自滁州清焉開皇初郡廢太平梁
於石梁置涇州是也天長下昕注亦同方輿紀要石長河在石梁
北故云在縣北二十里句容縣下又改故南徐州東海郡并
名又置句容縣云隋平陳後屬揚州又改故南徐州東海郡并
昕屬之丹徒別置潤州隋地志為舊海州開皇九年東海郡並廢
丹徒縣入焉十五尋又移延陵縣於此
年置潤州於此十五尋又移延陵縣於此
焉又改故蘭陵以入曲阿并地方輿紀要武進縣改為蘭陵故城下

云晉置蘭陵郡及蘭陵縣隋併入曲阿又其地有天子縣之曲阿故城下
云古雲陽地今丹陽縣治秦始皇又其地有天子縣之曲阿故城下
其勢截直道使之阿曲改曰曲阿縣也
開皇九年陳斷曲阿者即是地也 並隸揚州總管府

邗江 今江甘儀三縣境內

海陵 今泰州東台興化並泰興通州地

寧海 今泰興東境並如皋全境

江浦 今泰州東北境

高郵 今高郵境內

安宜 今寶應全境

淮陰 今淮安府清河縣地

鹽城 今淮安府鹽城縣地

盱眙 今安徽泗州盱眙縣

清流 今安徽滁州境內地

滁水 全上

六合 今江寧府六合縣

石梁 今安徽泗州天長縣

句容 今江寧府句容縣

延陵 今鎮江府丹徒縣

曲阿 今鎮江府丹陽縣

隋大業時代說畧

煬帝大業元年廢揚州總管府隋地志廢大六年置江都郡並設官

焉隋書煬帝紀大業六年六月制揚州都太守秩同京尹按設郡當

故州置官號江都方輿紀要揚州府下註云大業初移於坊內

郡又雙註云煬帝幸江都制江都太守大清一統志云大業廢江都

管府尋置十二年改邗江縣為江陽隋地志大業初煬帝時更有名江陽都長

張惠紹太平寰宇記於揚州廣陵縣下註云隋煬帝初改江陽縣按

爾雅註云揚在北斯地處江之正北故曰江陽或置方輿紀要大業初

更名與江都並設隋地志復置江都與江陽並隸郡治要又分本

化縣太平寰宇記大業初復置江都與江陽並隸郡治要又分本

入海陵隋地志開皇初置并淮陰縣以入山陽郡地志舊本山陽

淮陰縣省入焉以涂水縣為全椒隋地志全椒改石梁為永福隋地

志大業初改福山曰永福餘均與開皇時無異焉

江都 今江都縣境內地

本化 今甘泉縣境內地

江陽 今儀徵縣境內地

海陵 今泰州全境東台全境並泰興西境通州西南境

寧海 今如皋全境並泰興東境

高郵 今高郵州地

安宜 今寶應縣地

山陽 今淮安府清河山陽兩縣地

盱眙 今泗州盱眙縣地

六合 今江寧府六合縣地

永福 今泗州天長縣

句容 今江寧府句容縣

延陵 今鎮江府丹徒縣

曲阿 今鎮江府丹陽縣

唐武德初年說畧

太平寰宇記淮南道揚州下云唐武德二年賊帥李子通攻破州城遂竊據之為杜伏威所破三年杜伏威歸化於潤州之江寧縣置揚州以隋江都郡為南兖州置東南道行臺六年輔公祐竊號江南驅擁江北諸州毀撤宮殿盡過江南城遂荒廢按此時揚州既徙治江南已與今揚州全境無與且與今揚州地非毗連今揚州境內在當日則或置兗州或置吳州均無揚州名目亦不能據此以之界域舊唐書地理志江都治下云武德三年改為兗州高郵下註云武德三年屬兗州新唐書地理志海陵縣下云武德三年更置吳陵縣以縣治地置吳州太平寰宇記泰州海陵下云武

三十四

德三年改海陵縣為吳州置吳陵縣方輿紀要寶應縣下云唐初始遷今治劉氏寶應圖經本此焦氏廣陵考唐之安宜即漢之平安其地西入今之天長明維揚志新舊揚州志均云寶應城宋嘉定間賈涉始築唐時尚因安宜舊治兩說均非案舊唐書地理志天寶元年割江都高郵六合置千秋縣七載改名天長天長固無安宜地也又劉氏圖經云安宜舊治自隋杜伏威屠後城邑邱墟故唐初始遷今治今治舊名白田為安宜勝地唐李白李嘉祐權德輿劉長卿諸人均有詠白田詩句皆以白田為安宜別名今城南五里白田鋪蓋即白田之一隅耳是時揚州疆域無確實考證以上所言皆亦今揚州境內在當日為何地者考之也

兗州 今江都縣治

吳州 今泰州州治

江都 遵說中割置天長之說則唐初江都實兼今日天長境內圖中昕畫只今揚州全境故祇亦今日甘儀以劃界

高郵 遵說中割置天長之說則唐初高郵疆域實包括今天長在內因圖中昕畫只今揚州全境故祇亦本境以劃界

吳陵 按吳陵本漢海陵全境實兼今東台興化泰興泰州通州如皋因圖中只詳今揚州全境故祇亦東

台泰州興化三縣以劃界

安宜 今寶應全境

唐武德末年說畧

唐武德七年改兗州為邗州以邗溝為名九年省江寧縣之揚州改邗州為揚州由此廣陵專有揚州之名舊唐書地志海陵縣下註云武德七年吳州廢改吳陵縣仍復故名曰海陵是時揚州領縣只有江都海陵高郵三縣其疆域包今江甘儀三縣及天長高郵泰州東台興化泰興如皋通州前說詳而安宜一縣則自武德四年屬楚州舊唐書地志淮南道楚州中註云武德四年臧君相歸附立為東楚州領山陽安宜鹽城三縣新唐書地志楚州淮南郡本安宜縣地臧君相據之號東楚州旋以其地置倉州四年君相降因之更名楚州太平寰宇記本此舊唐書武德四年置倉州方輿紀要作滄州太平寰宇記亦作滄州又云故倉城東南接州夸隋文帝伐陳屯軍糧虞隋末荒亂城圯唐復築嘉靖維揚志寶領安宜一縣七年州廢屬楚州舊唐書地志七應以立倉州故名古倉

年州廢改此又武德末年安宜不屬揚州之證也

江都 今江甘儀三縣兼今天長境內地

高郵 今高郵州全境並天長一隅

海陵 今泰州東台興化泰興如皋通州皆是

唐貞觀時代說畧

舊唐書地理志云貞觀元年合併省州郡於山河形便分為十道而揚州屬淮南道是時揚州領縣則有江都江陽廣陵高郵六合舊唐書地理志揚州江陽下云貞觀十八年分江都縣置在郭下與江都分理新唐書志江陽下昕註與舊志同大清一統志嘉靖維揚志新舊揚州志俱從新唐書志作江揚太平寰宇記淮南道揚州廣陵縣下云唐貞觀十八年長史李操奏割合瀆渠以東九鄉復立廣陵縣有故城在縣西北一十八里舊唐書志於六合下雙註云貞觀元年省石梁以六合縣來屬新唐書志貞觀元年併石梁入六合屬揚州大清一統志方輿紀要六合下俱云唐初置

三十七

方州方州置於後周隋大業時廢唐初復置貞觀初罷屬揚州是時較武德末年增

六合廣陵江陽三縣而安宜則仍屬楚州焉

江廣都陵 今江甘儀三縣境內地

江陽 今甘泉兼天長境內地

高郵 今高郵本境兼天長境內地

六合 今六合本境兼天長境內地

海陵 今泰州東台興化泰興如皋通州皆是

塘永涇以後說畧

自唐高宗永涇元年以後至天寶乾元揚州領縣漸有增置舊唐書地志天寶元年改為廣陵郡乾元元年復為揚州新唐書地志從天寶後昕更郡名曰揚州廣陵郡其時揚州領縣九曰江都江陽廣陵揚子永鎮六合高郵海陵天長舊唐書地志海陵下註云景龍一年兮置海安縣開元十年省新唐書地志同舊唐書地志又於揚子下註云永涇元年分江都縣地置新唐書地志同太平寰宇記建安軍永鎮縣下註云本漢江都縣地舊揚子鎮城唐高宗廢鎮置縣因鎮為名大清一統志儀徵下云唐分置揚子縣方輿紀要儀徵下云唐揚子縣地又於揚子廢縣下云舊城在縣東

南十五里永涇元年兮江都置揚子縣九域志揚子縣東至揚州六十里南至金陵亦六十里舊唐書地志天長下云天寶元年割江都六合高郵三縣地置千秋縣天寶七年改為天長新唐太平寰宇記天長軍下云本古千秋縣唐元宗開元中又誕辰為千秋節遂改縣為天長又天長縣下云本漢廣陵縣地唐開元二十九年於下阿村置千秋縣天寶七年改為天長縣大清一統志天長縣下云貞觀初省入六合天寶初置千秋縣屬揚州七載改曰天長方輿紀要同是時安宜一縣已改名寶應而寶應得名之由則在上元三年以後復自更名雖自武德四年以後已不隸揚州而其得名之由見於載籍者頗多舊唐書肅宗紀新唐書地理志俱詳

其事酉陽雜俎冊府元龜通鑑綱目本之又有唐刺史鄭輅得寶
記太平寰宇記宋寶應知縣石豫之國寶記明寶應知縣岳東升
得寶河記本之此又寶應更名之故可考者也

江都

廣陵 今江甘儀三縣境內

江陽

永鎮

今儀徵縣境內

揚子

六合 今六合縣

天長 今安徽泗州天長縣

高郵 今高郵全境

海陵 今泰州東台興化泰興如皋通州皆是

楊吳時代說畧

古來誌地理之書皆畧於十國五代歐史作職方考僅識大畧薛居正作郡縣志尚存十道之名然寥寥數行一道僅識數州較歐史更畧歐陽忞輿地廣記樂史太平寰宇記於五代地理亦未悉詳五代會要載今道改置於十道不及一二雖十國春秋地理表可與歐史職方考互相發明王氏鳴盛云吳任臣十國春秋一百四卷其佳處在地理表與歐史職方攷參觀則五代十國大局如見然亦得其畧而未得其詳信乎歐史之序曰五代亂世文字不完時有廢置不可詳考況今揚州全境在當日不過為淮南一隅之地更為輿地家所不經意而欲以今揚州境內諸地以求當日之建置沿革則誠難矣今先據楊吳時代就其所考

四十

者考之舊唐書舊五代史皆云昭宗大順三年入揚州至被篡四十七年徐鉉吳錄龔穎運歷圖皆云行密又唐景福元年再入揚州至晉天福二年為李升所篡實四十六年而通鑑史畧等書均云唐僖宗元年淮南軍亂楊行密入據揚州之廣陵既而建軍府於揚州詔以為淮南節度使十國紀年同又云昭宗天復三年進爵吳王傳至楊溥後唐天成二年稱帝國號吳石晉天福二年為徐知誥所篡而十國紀年五國故事徐悅江南錄所記與此同方輿紀要揚州下云五代時楊吳都焉曰江都府而考其領縣則有江都江陽揚子海陵高郵興化文獻通考江都下云唐江陽縣南唐改江都仍曰廣陵是楊吳時江都江陽仍舊也通鑑楊溥閱舟

師於白沙徐溫自金陵來覲因又白沙鎮為迎鑾鎮太平寰宇記建安軍下云本揚州白沙鎮偽吳順義三年改為迎鑾鎮文獻通考真州本唐揚州揚子縣之白沙鎮南唐改為迎鑾鎮又云楊吳於江都府置興化縣太平寰宇記海陵下云偽吳武義中析海陵地為招遠場尋改興化縣大清一統志興化下云五代時楊吳置興化縣屬江都府而寶應一縣則歷南唐楊吳五代均屬楚州此楊吳時代之大畧也

江都

今江甘兩縣境內地

江陽

揚子 今儀徵縣境內地

迎鑾鎮 全上

興化 今興化縣地

高郵 今高郵全境

南唐時代說畧

五代之際繼楊吳而有今揚州全境者厥惟徐氏

歐史南唐世家徐知誥李氏子

名李昇初楊行密得之賜徐溫為養子因冒姓徐氏改名曰知誥

顧氏方輿紀要

州域形勢六

郭威舉

兵內向代漢稱周當是時矯虔攘竊者凡七君自江以南二十一

州為南唐

按今揚州全境即包括於二十一州之中

史畧後唐天成三年徐知誥始專

有吳國之政石晉天福二年篡位改江都府為東都大清一統志

方輿紀要文獻通考俱從其說而陸游南唐書則云唐昇元元年

以廣陵為東都領高郵一縣江都府仍舊領永貞江都廣陵三縣

太平寰宇記揚州建安軍永鎮縣下云李昇偽命改永鎮為永正

又改永貞屬江都府明維揚志揚州志同文獻通考五代南唐以

江陽江都二縣屬江都府後改江陽曰廣陵方輿紀要廣陵城下云南唐又改曰廣陵皆其證也若當時不屬江都府者海陵則別

立泰州

太平寰宇記昇元間立泰州

領海陵興化如皋泰興鹽城各縣

太平寰宇記興

化下云昇元元年改隸泰州又於是年割海陵南五鄉置泰興縣割楚州之鹽城並隸泰州保大十年又升如皋場為如皋縣以隸泰州又云南唐昇元元年置海陵監而高郵則專隸東都寶應則仍隸楚州此又皆

不在江都府界內者也

江都

廣陵

今江甘儀三縣地

永貞江都府仍循楊吳時揚州故名故就其領縣所至以劃界

後周時代說畧

自周世宗顯德五年取淮南十四州六十縣江北諸州悉為周有通鑑史畧俱詳其事於是今揚州全境昔為南唐所有者悉歸於周文獻通考周以揚州為大都督府大清一統志周顯德中復曰揚州仍置大都督節度其時東都已廢而所屬之高郵縣復隸揚州江都府已廢而所屬之江都廣陵永貞三縣仍還隸揚州而泰州則改為團練州又析置靜海軍領縣如南唐之舊詳太平寰宇記寶應則仍屬楚州此又不在揚州域內者也

江都 今江甘儀三縣地

廣陵 全上

永貞 全上

高郵 今高郵全境

北宋時代說畧

宋太祖建隆初年揚州則分為子除寶應一縣別屬外就今江甘儀等七州縣並通州之如皋泰興及海門一廳分而為五曰揚州曰泰州曰高郵軍州曰真州曰通州州各有領縣通州一州固不在此揚州域內而在當時亦於揚州外別立一州不相統轄姑勿深攷第就當時所謂揚州者又定界域文獻通考宋淮南道揚州領縣三江都廣陵天長太平寰宇記揚州元領縣七今三曰江都廣陵六合又天長軍下云周世宗平之江淮改為雄州一國朝太平寰宇記宋宜黃樂史降為天長軍領縣事太宗至道二年軍廢為縣隸一作故稱國朝揚州六合縣下云至道二年改屬真州宋史地理志真州下云至

道二年以揚州之六合來屬又揚州江都下云熙寧五年省廣陵縣入焉是揚州領縣至道前有六合無天長至道後有天長無六合熙寧前江都與廣陵為二熙寧後江都與廣陵為一北宋揚州之界域可考者止此此外如高郵軍則時廢時置宋史地理志高郵為軍熙寧五年廢為縣屬其領縣則高郵太平寰宇記高郵興化揚州元祐元年復為軍其領縣則高郵軍領縣一高郵興化通考高郵軍領真州則先為軍後降為州後又為郡宋史地理志乾縣二高郵興化真州則先為軍後降為州後又為郡宋史地理志乾觀元年軍至道二年以揚州之六合來屬大中祥符六年為真州大建安軍升為望政和七年賜郡名曰儀真太平寰宇記建安軍下熙三年仍割揚州之永鎮屬焉其領縣二曰揚子方輿紀要揚云元為永貞太平興國中改曰揚子曰六合泰州則年置真州於此始移揚子縣為附郭縣治郭下此則在北宋揚州領縣四曰海陵興化泰興如皋通考方輿紀要

域外者也

江都今江都甘泉兩縣地

天長今安徽泗州天長縣地

此外如泰州東台等州縣雖在今揚州域內而當時不屬揚州說中雖詳叙沿革以備攷而圖中則不備列故今地不注南宋圖說準此

南宋時代說畧

宋南渡後遷都臨安與金以淮為界其時尚有今揚州全境之地
宋史地理志揚州大都督府廣陵郡淮南節度建炎元年升帥府
二年高宗駐驛四年為真揚鎮撫使尋罷嘉定中淮東制置開幕
府於楚州元領縣一江都南渡後增縣二廣陵泰興又泰興下雙
註云舊隸泰州紹興五年來屬十年又屬泰州十二年又來隸以
柴墟鎮延冷村隸海陵二十九年盡仍舊南宋時揚州疆域如此
此外如泰州則自建炎三年入于金尋復四年置通泰鎮撫使紹
興十年移治泰興沙上時泰興隸海陵復舊治元領縣四紹興十
二年割泰興隸揚州建炎四年又以興化隸高郵軍故領縣祇二

四十六

曰海陵如皋真州則自建炎三年入于金尋復領縣二曰揚子

建炎

元年升軍四年廢為縣紹興十六年復升軍十二年復為縣六合高郵軍則自建炎四年升承州

割泰州興化縣來屬置鎮撫使紹興五年廢為縣復隸揚州以知

縣兼軍事使三十一年復為軍仍以興化來屬其領縣二曰高郵

曰興化

建炎四年由泰州來屬紹興五年廢為鎮十九年復隸隸泰州乾道二年還隸尋又隸泰州淳熙四年復隸高郵軍

以上俱見宋史地理志續通考方輿紀要大清一統志揚州下所註
胥本此而寶應一縣則自建隆以迄寶慶均屬楚州寶慶三年升
寶應州領縣一後改為軍

見宋史地理志

此又南宋時所可考者也

江都

廣陵

今江都甘泉兩縣地

泰興 今泰興縣地

南宋時天長已升為軍不隸揚州因說中未及故
附記于此

元至元二十年以前說畧

元世祖初年建大都督府置江淮等處行省又改為揚州路總管

府元地志揚州下云元至元十三年初建大都督府路置江淮等

本路屬焉十四年改為揚州路總管府十五年置淮東道宣慰司

都泰興其疆域包今日江都甘泉兩縣及通州之泰興一縣此

外在今泰州境內者則有泰州路總管府元地志泰州下云元至

管府領縣二在今儀徵境內者則有真州路總管府元地志真州

路總管府領真州安撫司十四年改真州又升高郵軍為高郵路

為高郵路總管府領興化高郵則在今高郵州境內升寶應軍為

安宜府至元地志寶應六年升寶應軍為安宜府則在今寶應縣境內此

又今州境內諸地在元初而可以備考者也

江都 今江甘兩縣境內

泰興 今泰興縣境內

至元二十年以後說畧

至元二十年以後各路總管府皆廢而高郵路則先降為府屬揚州路後又改為散府直隸宣慰司而元領之高郵興化二縣屬焉又廢安宜府為寶應縣屬焉惟揚州一路則仍以路名領司一州五真滁通泰四州各有領縣惟崇明則以本州隸揚州路無領縣而元領於揚州之江都泰興則領於錄事司以隸揚州路元史地理志於揚州路下云錄事司領縣二江都泰興又於揚州路之真州下云二十一年復為州隸揚州路領縣二揚子六合泰州下云二十一年復為州隸揚州路領縣二海陵如皋滁州下云舊本為州至元十五年改滁州路總管府二十一年仍為州隸揚州路領

四十九

縣三清流來安全椒通州下云宋靜海郡至元十五年改通州路總管府二十一年復為州隸揚州路領縣二靜海海門崇明州下云本通州海濱之沙州宋建炎間因姚劉二姓避兵沙上稱劉姚沙嘉定間置鹽場屬淮東制司至元十四年升為崇明州後屬揚州路是時揚州路疆域甚大今日之揚州江甘儀泰東全境通州海門全境並太倉州所屬之崇明縣安徽滁州全境皆其域內地也

江都 今江都甘泉境內地

泰興 今泰興縣地

泰州 今泰州州治

海陵 今泰州東台兩縣地

如皋 今如皋縣地

真州 今儀徵縣治

揚子 今儀徵境內地

六合 今六合縣地

通州 今通州州治

靜海 今圯於海 縣沒而鄉存焉

海門 今海門廳

崇明州 今崇明縣地

滁州 今安徽滁州州治

來安 今滁州來安縣

全椒 今滁州全椒縣

清流 今滁州境內地

明洪武初年說畧

明以元至正十七年取揚州置淮南翼元帥府尋三改府名明史

地志揚州府下云太祖丁酉年舊維揚志作十月曰淮海府方輿紀要

同辛丑年十二月曰維揚府丙午年舊揚州志作龍鳳十二年正

月曰揚州府領州三縣九自洪武以後至今府有增減一曰江都明地志

江都下雙註云元末廢太祖辛丑年復置明維揚志云元順帝至

正十九年置淮南行省於揚州因徙江都治於北關外明初仍以

江都附郭徙縣治於河西街儒林坊方輿紀要江都故城下云元

徙治北關外至正中燬明初改置今治新舊揚州志均從其說一

曰儀真明地志儀真下云元真州治揚子縣洪武二年州廢改縣

曰儀真方輿紀要大清一統志並云明洪武初以州治揚子縣省
入仍改縣曰儀真屬揚州府一曰六合明地志六合縣下云元屬
真州洪武三年直隸揚州府方輿紀要大清一統志同一曰泰興
方輿紀要以泰興直隸揚州一曰高郵州明地志洪武元年閏七
月降為州以州治高郵縣省入領縣二寶應興化方輿紀要同大
清一統志于興化下則云高郵州興化縣寶應下云高郵州寶應
縣並曰屬揚州府萬歷寶應志康熙揚州志均同一曰泰州明地
志洪武初以州治海陵縣省入領縣一如皋方輿紀要本此大清
一統志泰州下云洪武初仍曰泰州省海陵縣入焉屬揚州府一
曰通州明地志洪武以州治靜海縣省入領縣一海門方輿紀要

通州下云明初仍為州以州治靜海縣省入領縣一海門又於海門下註云舊城在州東二百十五里元末以水患徙治禮安鄉去州城百里大清一統志本此一曰崇明縣明史地志洪武二年降為縣方輿紀要崇明縣下云元至正十三年為張士誠所據十九年歸於明洪武二年降州為縣此洪武初年揚州全境之大畧也

江都 今江都甘泉兩縣地

儀真 今儀徵縣地

六合 今六合縣地

泰興 今泰興縣地

高郵州 今高郵境界

寶應 今寶應縣地

興化 今興化縣地

泰州 今泰州東台兩縣地

如皋 今如皋縣地

通州 今通州地

海門 今通州境內地

崇明 今崇明縣地

明洪武末年說畧

洪武二十二年割揚州之六合以屬應天府

明史地志應天府下

合來屬方輿紀

又割揚州之崇明縣以屬蘇州

明地志崇明年割六合

要明維揚志同

八年改屬蘇州府

理志揚州府下云揚州領州三縣七曰江都儀真泰興縣之直隸

府者也曰寶應興化如皋海門縣之隸於州以隸府者也蓋洪武

末年揚州領縣祇少六合崇明兩縣餘均仍舊云

江都 今江甘兩縣地

儀真 今儀徵縣地

高郵州 今高郵全境

興化 今興化縣地

寶應 今寶應縣地

泰興 今泰興縣地

泰州 今泰州東台地

如皋 今如皋縣地

通州 今通州地

海門 今通州境內地

國朝康熙以後說畧

國朝揚州全境初因明舊皇朝文獻通考揚州下云本朝初屬江南省大清一統志乾隆府廳州縣志揚州下云本朝初屬江蘇布政司皆指康熙初年言之自康熙十一年海門縣圯於海遂併入通州而通州遂為散州皇朝文獻通考通州下云本朝康熙十一年以海門省入州大清一統志乾隆府廳州縣志海門廳下云本朝康熙十一年省入州皆就海門已圯於海之後言之外此州縣均未改明舊高郵州仍領寶應興化二縣泰州仍領如皋一縣又合江都泰興儀真三縣并隸揚州府共領州三縣六

江都 今江都甘泉兩縣

儀真 今儀徵縣

泰興 今泰興縣

高郵州 今高郵全境

寶應 今寶應縣

興化 今興化縣

泰州 今泰州東台兩縣

如皋 今如皋縣

通州 今通州州治地

雍正以後說畧

大清一統志乾隆府廳州縣志揚州府儀徵縣下云本朝雍正元年改儀真為儀徵又甘泉下云本朝雍正九年今江都縣置以縣西甘泉山得名又通州下云本朝雍正二年升為直隸州又如皋下云本朝雍正元年與泰興並屬通州文獻通考本朝雍正二年升通州為直隸州領縣二如皋泰興雍正揚州志云雍正十年析江都縣西北境置甘泉縣附郭與江都今理先是九年五月兩江總督尹繼善疏言揚州府江都縣路當衝要事務殷繁附居府城幅員遼濶應增一令分疆而治上允其請遂析江都縣之西北境為甘泉縣是時甘泉與江都同治郭下揚州增領一縣泰興割入

五十五

通州揚州少領一縣如皋割入通州泰州遂降為散州惟高郵一州則仍領寶應興化以隸府大清會典云揚州治甘泉江都領州二高郵泰州縣五江都甘泉儀徵興化寶應蓋就雍正時代言之也

江都 今江都縣

甘泉 今甘泉縣

儀徵 今儀徵縣

泰州 今泰州東台兩縣

高郵州 今高郵州

興化 今興化縣

寶應 今寶應縣

乾隆時代說畧

乾隆府廳州縣志云乾隆二十五年設江甯布政使司江甯諸府屬焉自此揚州府遂直隸江甯布政司其領縣之沿革惟泰州之東台鎮析以為縣乾隆府廳州縣志揚州府東台縣下但云乾隆年分泰州地置而乾隆間昕修揚州志修志在乾隆四十九年於東臺縣下云本古海陵地五代以來俱置鹽場明正德十五年改置泰州分司駐東台場國朝因之雍正元年置同知駐東台鎮專轄下河水利乾隆三十三年復省東台同知置東台縣先是二十二年兩江總督高晋等奏揚州所屬之泰州地方瀕海襟江民繁事劇請增設一令以資分理上允其請裁水利同知改誤縣治是時揚州領

縣又增東台一縣自乾隆以後而揚州全境均無沿革焉

江都 今江都縣

甘泉 今甘泉縣

儀徵 今儀徵縣

泰州 今泰州

高郵州 今高郵州

興化 今興化縣

寶應 今寶應縣

東臺 今東臺縣

興化寶應二縣雍正揚州志尚屬高郵州其直隸府當

在雍正間修志以後而高郵之降為散州亦當在此後
乾隆揚州志亦未考明惟於興化寶應二縣下曰今縣
自屬府姑從之

儀徵易文煒霞岑甫校對

揚州歷代疆域沿革圖說補圖記

壬寅三月見上海圖書館藏先父所著揚州歷代疆域沿革圖說說存而圖佚假歸錄一副本依說補圖并加註公元甲子以為閱讀之助

原書刊於前清光緒三十年甲辰書中昕稱今揚州疆界係指當時揚州府所屬州縣疆界補圖係根據光緒二十三年蔣升著皇朝直省府廳州縣歌括附圖并用光緒六年申報館出版之皇朝直省地輿全圖為參考

原書凡例以紅黑二色別今古補圖則省去紅色而以聯點虛線為古界線古地名則字外加□又以聯杆虛線為今揚州府界線

一

府界內外之地名既有界線畫分自不須再加區別

補圖加註甲子及公歷紀年係參照清李兆洛歷代紀元編及文物出版社湯有恩所編公元千支推算表

補圖昕畫古地古界一依原說其有闕疑亦未敢擅為增減

原書說三十四圖亦三十四補圖則畧減省凡時代相接疆域相同而地名小異者均省為一圖畧加附註仍可一目了然如此者省去六圖實補圖二十八田未學未能讀父書貿然為此譌誤之處閱者正之

公歷一九六二年壬寅六月徐芝田耘生記於上海寓所

揚州歷代疆域沿革圖說補圖

圖例

一、經緯度 依光緒時代圖例經度以北京子午線為起點緯度以赤道為起點


一、圖序 以今揚州疆界圖列諸圖之首攷古須先據今地形勢也其餘各圖均照原書次序

一、符號 補圖所用各種符號如下表

今省界	今縣	•	今直隸廳	△	古地名加	□
今府界	今直隸州		今散廳	▲	古地界	∴
今府	○	今散州	◆			

今揚州疆界圖

乾隆三十三年戊子公歷一七六八年增置東台縣後揚州全境無沿革



唐虞時代 唐堯元年約在
 周初時代 周武王二十二年辛卯
 滅殷即帝位在
 公元前一〇五〇年



註：圖中古地名及漢以前地名

三四

三二

三〇

二八


六

二四

四

周末時代

自周元王元年乙丑公元前四七六年
至赧王五十九年己巳公元前五六年



秦統一時代

秦始皇帝二十六年庚辰
公元前二二一年兼并天下



楚漢時代


漢高祖元年己未
公元前二〇六年



圖四


西漢初年

高祖元年己未公元前二〇六年
至武帝元狩元年公元前二
二年己未




東漢建武以後


光武帝建武元年乙酉
公歷二十五年




圖六




圖九





隋開皇時代

隋文帝開皇元年辛丑公元五八一年至開皇三十年庚申公歷六〇〇年




隋大業時代

隋場帝大業元年乙丑公元六〇五年至大業十三年丁丑公元六一七年



圖十一







唐高宗永濟元年壬午公曆六八二年
 寶應並增永鎮揚子兩縣在今
 儀徵境又增天長縣在今天長
 境內
 圖興貞觀時代同惟安宜改名


唐永濟以後



楊行密以唐昭宗景福元年壬子
 公曆八九年入揚州至楊溥
 天祚三年丁酉公曆
 九三七年亡


楊吳時代






元世祖至元二十年癸未
公曆二六三年以前

圖十五



元至元二十年以後



圖十水

